

CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E A PLATAFORMA DE ORGANIZACIÓNS DE INFANCIA DE GALICIA PARA O DESENVOLVEMENTO DE ACTUACIÓNS ENCAMIÑADAS Á PROTECCIÓN E PROMOCIÓN DOS DEREITOS DA INFANCIA NO ANO 2022.

Santiago de Compostela, *(na data da sinatura dixital)*

REUNIDOS

Dunha parte: Dona Fabiola García Martínez, conselleira de Política Social e Xuventude da Xunta de Galicia, nomeada polo Decreto 60/2022, do 15 de maio, actuando en nome e representación da Consellería de Política Social e Xuventude no uso das facultades que lle veñen atribuídas no artigo 34 da Lei 1/1983, do 22 de febreiro, de normas reguladoras da Xunta e da súa presidencia; no Decreto 58/2022 de 15 de maio, polo que se establece a estrutura orgánica da Xunta de Galicia, no Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude, no Decreto 73/2022, do 25 de maio, polo que se fixa a estrutura orgánica das vicepresidencias e das consellerías da Xunta de Galicia e no Acordo do Consello da Xunta de Galicia do 27 de marzo de 1991.

Doutra parte: Don Xesús María Vilas Otero, con DNI 35444793E, presidente da Plataforma de Organizacións de Infancia de Galicia, con NIF G70556360, actuando en nome e representación dela, segundo o acordo do seu nomeamento adoptado pola Asemblea Xeral de dita asociación o día 9 de marzo de 2021 e coas funcións que se recollen no artigo 22 dos estatutos da Plataforma de Organizacións de Infancia de Galicia.

Ambas as dúas partes interveñen no nome e representación dos seus respectivos órganos e entidades no exercicio das competencias que lles están legalmente atribuídas, recoñecéndose mutua e reciprocamente capacidade para obrigarse mediante o presente convenio nos termos que nel se conteñen e, para o efecto,



EXPOÑEN

Primeiro.- As administracións públicas poden celebrar convenios de colaboración con outras entidades públicas así como con persoas xurídicas suxeitas ao dereito privado ao abeiro do disposto na Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, e máis o Acordo do Consello da Xunta do 27 de marzo de 1991, sobre convenios de cooperación con outros entes públicos e de colaboración con particulares, feito público por Resolución da Consellería de Economía e Facenda do 8 de abril de 1991.

Segundo.- A Constitución española dispón no artigo 39, entre os principios reitores da política económica e social, o apoio dos poderes públicos para asegurar a protección social, económica e xurídica da familia, sinalando igualmente que os/as menores deberán gozar da protección prevista nos acordos internacionais, entre os que deben incluírse os dereitos recoñecidos á infancia pola Convención sobre os Dereitos do Neno, aprobada pola Asemblea Xeral das Nacións Unidas o 20 de novembro de 1989 e en vigor en España dende o 5 de xaneiro de 1991.

Terceiro.- A Comunidade Autónoma de Galicia ostenta competencias exclusivas en materia de asistencia social, de conformidade co disposto no artigo 27.23 do Estatuto de autonomía de Galicia, Lei Orgánica 1/1981, do 6 de abril, e nos Reais Decretos de Transferencia 2411/1982, do 24 de xullo e 534/1984, do 25 de xaneiro e, en virtude da dita competencia aprobouse a Lei 13/2008, do 3 de decembro de servizos sociais de Galicia e a Lei 3/2011, do 30 de xuño, de apoio á familia e á convivencia de Galicia.

Cuarto.- Que a Consellería de Política Social e Xuventude é o órgano superior da administración autonómica, ao que lle corresponden as competencias en materia de benestar social, conforme ao Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude, e ten entre as súas funcións e competencias as relativas á protección e a tutela das persoas menores en situación de risco ou desamparo nos termos establecidos no Código Civil, na Lei Orgánica 1/1996, do 15 de xaneiro, de protección xurídica do/da menor, de modificación parcial do Código Civil e da Lei de Axuizamento Civil e no ámbito da Comunidade Autónoma de Galicia a Lei 3/2011, do 30 de xuño, de apoio á familia e á convivencia de Galicia, o Decreto 42/2000 do 4 de xaneiro, polo que se refunde a normativa reguladora vixente en materia de familia, infancia e adolescencia, modificado polo Decreto 406/2003, do 29 de outubro, na Lei Orgánica 8/2015, de 22 de xullo de modificación do sistema de protección á infancia e adolescencia e a Lei 26/2015, de 28 de xullo de



modificación do sistema de protección á infancia e á adolescencia e na Lei Orgánica 8/2021 do 4 de xuño, de protección integral á infancia fronte á violencia.

Quinto.- Que a entidade, que figura inscrita no Rexistro Central de Asociacións de Galicia co número 2018/022401, é unha asociación de persoas xurídicas sen ánimo de lucro con personalidade xurídica propia, autónoma das súas entidades asociadas, e con plena capacidade de obrar, que actúa no territorio galego, sen prexuízo de realizar actuacións estatais e internacionais a favor do bo trato á infancia e á adolescencia en Galicia. Está enmarcada no marco xeral de acción da Plataforma da Infancia Estatal, nada no ano 1997, coa misión de axuntar esforzos entre as entidades sociais para protexer, promover e defender os dereitos dos nenos, nenas e adolescentes conforme á Convención sobre os Dereitos do Neno de Nacións Unidas.

O obxectivo xeral da Plataforma de Organizacións da Infancia de Galicia é a protección e promoción dos dereitos da infancia recollidos na Convención sobre os dereitos do Neno do 20 de novembro de 1989.

A Plataforma de Organizacións de Infancia de Galicia pretende ser a voz en espazos participativos das organizacións que traballan polos dereitos dos nenos, nenas e adolescentes, de modo que esta unidade facilite a participación, decisións e realización de acordos ou accións relacionadas co benestar da infancia.

Sexto: Que ambas partes, son conscientes da especial vulnerabilidade das persoas menores dada a súa inmadurez física e mental, e da necesidade de manter actuacións tendentes á protección e promoción dos dereitos da infancia, recollidos na Convención sobre os Dereitos do Neno, do 20 de novembro de 1989. Para ambas partes é obxectivo prioritario, a consecución do benestar das persoas menores e consideran imprescindible a colaboración entre diferentes institucións públicas e privadas para lograr un servizo máis eficaz na atención deste colectivo.

A Lei 3/2011, do 30 de xuño, de apoio á familia e á convivencia en Galicia, recolle no seu artigo 38, entre os principios reitores da actuación dos poderes públicos de Galicia no exercicio das funcións de atención e protección á infancia e á adolescencia, o fomento da solidariedade e a sensibilidade social ante as dificultades que afecten á infancia e á adolescencia, ao obxecto de prever a marxinação e a explotación infantil, así como calquera manifestación de abuso, acoso e maltrato físico, psíquico ou emocional, e impulsar o papel da sociedade civil na defensa dos dereitos e liberdades das e dos menores.



Do mesmo xeito, a Lei 13/2008, do 3 de decembro, de servizos sociais de Galicia, establece no apartado c) do seu artigo 3 como un dos seus obxectivos específicos o de dar protección e oportunidades sociais e educativas a menores de idade e aquelas outras persoas que se atopen en situación de conflito ou desamparo.

En consonancia con isto, a Plataforma de Organizacións de Infancia de Galicia presenta ante a Administración Autonómica un programa de actividades (descritas na cláusula cuarta e de xeito pormenorizado no Anexo II do Convenio) tendente á promoción da participación dos nenos e nenas de Galicia en todos os ámbitos da sociedade e de xeito especial no deseño e toma de decisións das medidas que inciden directamente na súa calidade de vida e no respecto dos seus dereitos, así como ao fortalecemento das estruturas democráticas e da sociedade civil galega mediante o apoio, a creación e consolidación de coordinadoras ou redes de traballo a prol da infancia.

Sétimo.- Que actualmente faise preciso establecer medidas de apoio orientadas ao desenvolvemento do tecido asociativo integrado polas entidades de iniciativa social que traballan na atención das persoas menores, dado que desenvolven unha importante labor complementaria á proporcionada a través dos recursos das administracións públicas.

De acordo con iso, a Consellería de Política Social e Xuventude considera que a colaboración a través da concesión dunha subvención pública directa permite o desenvolvemento das actuacións descritas no referido Anexo II que cumpren, indubidablemente, unha función de interese social en consonancia co establecido no artigo 19.4 c) da Lei 9/2007, do 13 de xuño, de subvencións de Galicia e no artigo 40 do seu regulamento, aprobado polo Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia.

Oitavo.- Que o carácter singular do presente convenio vén determinado por razóns de interese público, social e humanitario. Cómpre sinalar que non existe en Galicia outro programa destas características, con persoal especializado e atención en todo o territorio. Consonte o anterior estímase xustificada a imposibilidade de promover a concorrencia de ofertas xa que o seu obxecto non se corresponde con ningún dos recollidos na Lei 9/2017, de 8 de novembro, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 e polo tanto xustifícase a formalización dun convenio de colaboración para a súa execución.

Noveno.- Que a concesión directa da subvención a través deste convenio efectuarase ao abeiro dos artigos 19.4.c) e 26 da Lei 9/2007, do 13 de xuño, de subvencións de



Galicia, e o artigo 40 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, na que se prevé a posibilidade de excepcionalar do réxime ordinario de concorrencia competitiva en base ao carácter singular das subvencións e razóns de interese público, social e humanitario, cal é o caso no que o interese prioritario é a protección e promoción na Comunidade Autónoma de Galicia dos dereitos da infancia.

A Plataforma de Organizacions de Infancia de Galicia é a única entidade que pode realizar este programa dada a ampla representatividade que lle outorgan as organizacións que se integran nela. De feito, en virtude desta representatividade, a dirección xeral competente en materia de infancia mantén un diálogo constante coa Plataforma para recibir as suxerencias do terceiro sector.

En virtude do exposto, ambas as dúas partes outorgan e subscriben de mutuo acordo o presente convenio de colaboración que desenvolverase de acordo coas seguintes,

CLÁUSULAS

PRIMEIRA. OBXECTO

O obxecto do presente convenio é contribuír por parte da Consellería de Política Social e Xuventude a través da concesión directa dunha subvención pública, ao financiamento do desenvolvemento das actuacións recollidas no programa de actividades da Plataforma de Organizacions de Infancia de Galicia, reflectidas na cláusula cuarta e no seu Anexo II, dirixidas á promoción da participación dos nenos e nenas en todos os ámbitos da sociedade e de xeito especial no deseño e toma de decisións das medidas que inciden directamente na súa calidade de vida e no respecto dos seus dereitos, así como ao fortalecemento das estruturas democráticas e da sociedade civil galega mediante o apoio, a creación e consolidación de coordinadoras ou redes de traballo a prol da infancia, e deste xeito procurar a protección e promoción na Comunidade Autónoma de Galicia dos dereitos da infancia recollidos na Convención sobre os dereitos do Neno, do 20 de novembro de 1989.

Ditas actuacións exclúen o ánimo de lucro e non poden satisfacerse axeitadamente mediante a sinatura dun contrato dos recollidos na Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 ou doutro instrumento alleo á natureza estritamente convencional.



SEGUNDA. PERSOAS DESTINATARIAS DO PROGRAMA

As persoas destinatarias das accións que forman parte do programa de actuación da Plataforma de Organizacións de Infancia de Galicia obxecto da subvención, serán as organizacións que traballan polos dereitos dos nenos, nenas e adolescentes e que formen parte da dita organización e as persoas menores que se atopen dentro do sistema de protección.

TERCEIRA. OBXECTIVOS E CONTIDO

O obxectivo Xeral é a protección e promoción dos dereitos da infancia recollidos na Convención sobre os dereitos do neno de 20 de novembro de 1989.

Son obxectivos específicos:

- a) Impulsar as políticas xerais e sectoriais que estean dirixidas a incrementar o benestar da infancia, en especial daqueles nenos e nenas en situacións de risco individual e social.
- b) Denunciar e facer un seguimento de todas as situacións de vulneración dos dereitos da infancia por parte das institucións públicas, do sector privado, dos particulares, dos medios de comunicación social ou da opinión pública.
- c) Sensibilizar á sociedade galega para o coñecemento e o respecto dos dereitos da infancia.
- d) Desenvolver o diálogo, a colaboración e a participación en todos aqueles organismos públicos e privados que teñen ou poidan ter influencia no benestar da infancia e na aplicación dos dereitos da infancia.
- e) Promocionar a participación e o asociacionismo da infancia de todas aquelas organizacións comprometidas na aplicación dos dereitos da infancia e na calidade de vida dos nenos e nenas.
- f) Facilitar o diálogo entre organizacións de infancia de Galicia xerando presenza, opinión e participación das organizacións de infancia na realidade social e situando á infancia como suxeito activo de dereitos segundo a Convención sobre os Dereitos do Neno.
- g) Dar a coñecer a realidade da infancia na Comunidade Autónoma de Galicia.



h) Favorecer a coordinación entre asociacións que traballan por/para e coa infancia.

i) Formar parte desde Galicia na Plataforma de Organizaciones de Infancia de España, así como en calquera outro organismo que desenvolva un traballo acorde con estes obxectivos e dos que poida formar parte na súa calidade de entidade privada representativa do sector.

CUARTA. ACTUACIÓNS A DESENVOLVER.

As actuacións que comprende o programa corresponden:

- Mantemento e consolidación dos grupos de traballo para favorecer a participación das entidades membro nos ámbitos de incidencia política, sistema de protección, participación infantil e comunicación e, para fortalecer a coordinación, vertebración e traballo en rede das entidades do terceiro sector no eido da infancia e adolescencia en Galicia.
- Coordinación e apoio ás accións da Plataforma de Infancia estatal, mediante a comunicación das accións estatais en materia de infancia e adolescencia ás entidades membro, participación nos Grupos de Traballo da Plataforma de Infancia estatal en diversas materias e o establecemento de accións conxuntas co resto da plataforma de infancia autonómicas.
- A visibilización da situación da infancia e adolescencia en Galicia mediante, a difusión de estudos e novas sobre a situación da infancia e adolescencia galega, a recompilación de datos sobre a implementación dos dereitos da infancia en Galicia e a realización dunha campaña de difusión do Informe sobre "Os dereitos da infancia en Galicia".
- A realización de accións que contribúan a difundir o coñecemento da Lei Orgánica 8/2021, do 4 de xuño, de Protección Integral á Infancia e á adolescencia fronte á violencia no ámbito da Comunidade autónoma de Galicia, e ao mantemento da colaboración coa Valedora do Pobo para incidir na mellora dos dereitos da infancia e adolescencia, facilitando a capacidade de intelección das entidades membro ante as administracións públicas galegas e a sociedade galega en xeral.
- Asesoramento ás entidades na creación e participación de programas de participación infantil.
- Creación dun espazo seguro na rede para a participación e asociacionismo de mozos e mozas a través dos seguintes programas:



a) "Redeiros: os dereitos da infancia na rede": programa destinado a centros educativos, concellos, bibliotecas e entidades con adolescentes de Galicia.

b) "Dereitos da Infancia: aprenden e participan nos seus dereitos": programa destinado a centros educativos, concellos, bibliotecas e entidades de infancia de Galicia, no que se desenvolven actividades de participación infantil que responden ás demandas dos nenos, nenas e adolescentes.

- Fortalecemento do Grupo de Participación Infantil e Adolescente da Plataforma de Organizacións de Infancia de Galicia, mediante a celebración de reunións presenciais e online nas cales se reflictan as súas demandas.

- Desenvolvemento de actuacións encamiñadas a impulsar as medidas necesarias para favorecer a participación infantil.

- Realización dun acto central conmemorativo do Día Internacional da Infancia (20N) e de varios actos conmemorativos descentralizados en distintas provincias.

- A formación a técnicos/as sobre Participación Infantil e Adolescente.

- A actualización da web da Plataforma de Organizacións de Infancia de Galicia e dos diferentes perfís en redes sociais (Facebook, Twitter, Youtube e LinkedIn), centrados na difusión dos dereitos da infancia e adolescencia de Galicia, así como a actualización da biblioteca online na páxina web sobre temática relacionada coa infancia e adolescencia.

- Realización dunha campaña de difusión sobre a Plataforma de Organizacións de Infancia de Galicia co obxecto de dar a coñecer as súas actividades e fomentar a súa implantación territorial na comunidade galega.

- A participación activa na campaña da X Solidaria de Galicia.

- Creación dun boletín bimensual destinado ás entidades que traballan a prol da infancia e outros actores interesados sobre novas de infancia.

O Anexo II relaciona estas actuacións e a finalidade perseguida co seu desenvolvemento.



QUINTA. COMPROMISOS DA PLATAFORMA DE ORGANIZACI3NS DA INFANCIA DE GALICIA

A Plataforma de Organizaci3ns de Infancia de Galicia deber3 cumprir cos requisitos e as obrigas establecidos nos artigos 10 e 11 da Lei 9/2007, do 13 de xu3o, de subvenci3ns de Galicia, no que respecta ao desenvolvemento do programa obxecto de concesi3n de subvenci3n deste convenio, e comprom3tese ademais a:

a) Realizar a actividade do programa obxecto da subvenci3n, descrita na cl3usula cuarta e polo mi3do no anexo II, e acreditar a s3a realizaci3n e o cumprimento dos requisitos ou das condici3ns que determinaron a concesi3n da axuda. O cumprimento desta obriga de xustificaci3n realizarase nos termos previstos no artigo 28 da Lei 9/2007, do 13 de xu3o e no artigo 30 da Lei 38/2003, do 17 de novembro, xeral de subvenci3ns, na normativa regulamentaria de desenvolvemento e no disposto nas bases reguladoras e nos instrumentos de concesi3n.

b) Cumprir os requisitos e non atoparse incurso en ningunha das circunstancias e prohibici3ns establecidas no artigo 10 da Lei 9/2007, do 13 de xu3o.

c) Acreditar que est3 ao corrente das s3as obrigas tributarias e fronte 3 Seguridade Social, de que non ten pendente de pagamento d3bedas coa comunidade aut3noma e de que non 3 debedora por resoluci3n de procedencia de reintegro, ao abeiro do artigo 28 da Lei 39/2015, do 1 de outubro, do procedemento administrativo com3n das administraci3ns p3blicas.

d) Comunicar a obtenci3n doutras subvenci3ns, axudas, ingresos ou recursos que financien as acci3ns derivadas do obxecto do convenio. Esta comunicaci3n deber3 efectuarse tan pronto como se co3eza e en todo caso con anterioridade 3 xustificaci3n da aplicaci3n dada aos fondos percibidos.

e) Someterse 3s actuaci3ns de comprobaci3n que deba efectuar a conseller3a, as3 como calquera outra comprobaci3n e control financeiro que poidan realizar os 3rganos de control competentes, tanto nacionais como comunitarios, e achegar canta informaci3n lle sexa requirida no exercicio das actuaci3ns anteriores.

f) Adecuar a forma de presentaci3n dos datos relativos 3 execuci3n das acci3ns, as3 como os instrumentos xustificativos do gasto, 3 Lei 9/2007, do 13 de xu3o, e 3 Lei 39/2015, do 1 de outubro.

g) Adoptar as medidas de difusi3n contidas no artigo 15.3 da Lei 9/2007, do 13 de xu3o, e no 20 do seu regulamento, aprobado polo Decreto 11/2009, do 8 de xaneiro. Estas



medidas consistirán na inclusión da imaxe institucional da Xunta de Galicia así como en lendas alusivas ao financiamento público do programa en carteis, placas, materiais impresos e medios electrónicos e audiovisuais, entre outros, que teñan relación co programa subvencionado.

h) Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cantos estados contables e rexistros específicos sexan esixidos polas bases reguladoras das subvencións, coa finalidade de garantir o adecuado exercicio das facultades de comprobación e control.

i) Levar un arquivo e custodia, durante polo menos cinco anos, da documentación substantiva e financeira que soporte e acredite a realización das accións obxecto deste convenio. En particular, a Plataforma de Organizacións de Infancia de Galicia comprométese a achegar inescusablemente nun prazo de dez días cantas facturas, nóminas e demais documentos de carácter contable lle sexan requiridos pola Consellería de Política Social e Xuventude, a través da Dirección Xeral competente en materia de infancia.

j) Proceder ao reintegro dos fondos percibidos nos supostos contemplados nos artigos 32 e 33 da Lei 9/2007, do 13 de xuño.

k) Cumprir cantas outras obrigas se deriven da execución do disposto neste convenio.

SEXTA. PERSOAL PARA O DESENVOLVEMENTO DAS ACTUACIÓNS

A Plataforma de Organizacións de Infancia de Galicia, porá a disposición do programa o persoal de dirección, de xestión e de actuacións necesario para garantir a calidade e mellora no desenvolvemento das actuacións do seu programa subvencionado a través do presente convenio de colaboración.

O equipo que a Plataforma de Organizacións de Infancia de Galicia poña a disposición do programa a subvencionar en ningún caso poderá actuar baixo a dependencia da Consellería de Política Social e Xuventude, debendo ser a Plataforma de Organizacións de Infancia de Galicia a que imparta as oportunas ordes aos seus equipos de traballo e ostente respecto destes o correspondente poder de dirección, conservando os dereitos, obrigas, riscos e responsabilidades inherentes a súa condición de empregador.

A subscrición do presente convenio non implicará relación contractual algunha entre a Consellería de Política Social e Xuventude e as persoas que desenvolvan as actividades que constitúen o obxecto do programa a subvencionar, de xeito que por este concepto



non se lle poderá esixir responsabilidade algunha, nin directa nin subsidiaria, polo acontecido no desenvolvemento do dito programa.

SÉTIMA. CONDICIÓNS ECONÓMICAS

A concesión da subvención establecida neste convenio terá como límite global o crédito asignado para estes fins na aplicación 13.02.312B.481.0 dos orzamentos xerais da Comunidade autónoma de Galicia para o ano 2022, polo importe global de QUINCE MIL EUROS (15.000,00 €), sen prexuízo de posteriores variacións producidas como consecuencia das modificacións orzamentarias.

OITAVA. GASTOS SUBVENCIONABLES

O importe da subvención destinarase a cubrir os gastos correntes descritos no anexo I efectivamente realizados pola Plataforma de Organizacions de Infancia de Galicia, necesarios para o desenvolvemento das actuacións recollidas na cláusula cuarta e de xeito pormenorizado no Anexo II.

Para estes efectos, consideraranse gastos subvencionables os previstos no artigo 29 da Lei 9/2007, do 13 de xuño.

A condición de imputable do gasto deriva do cumprimento dos seguintes requisitos: que sexa un gasto directo da acción; que de xeito indubidable responda á natureza do programa subvencionado; que sexa axeitado aos obxectivos da medida á que pertence; que exista constancia documental sobre a súa realización de xeito verificable e que se realice dentro do período establecido; que se acredite mediante facturas ou documentos de valor probatorio equivalente con validez no tráfico xurídico mercantil ou con eficacia administrativa, e que sexa efectivamente pagado pola entidade beneficiaria dentro do prazo de xustificación, agás que se trate de gastos correspondentes a impostos ou cotas por seguros sociais relativos a gastos directos da acción liquidables con posterioridade a esta data; para estes gastos, o período de xustificación abrangue ata o derradeiro día do mes seguinte ao último trimestre do exercicio en que se establece a axuda.

Poderán financiarse con cargo a este convenio gastos correntes consumibles non amortizables necesarios para a realización das actuacións, tales como:

- a) Gastos de persoal.
- b) Combustible e outros gastos de desprazamento.



c) Material para diversas actividades (comunicación e incidencias, material acto central e actos descentralizados celebración do 20N...).

d) Material de oficina non inventariable.

e) Deseño e mantemento da web e hosting.

f) Gastos de comunicación.

g) Teléfono e enerxía eléctrica.

h) Outros gastos de similar natureza.

Estes gastos serán subvencionados coa condición de que correspondan a custos reais de execución das actuacións financiadas a través deste convenio e se asignen de forma rateada á operación, de acordo cun método equitativo debidamente xustificado.

Non se poderán financiar os gastos que supoñan calquera tipo de investimento en bens inventariables.

NOVENA. COMPATIBILIDADE

Esta subvención é compatible con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais da Unión Europea ou de organismos internacionais.

O importe da subvención en ningún caso poderá ser de tal contía que, illadamente ou en concorrencia con subvencións ou axudas doutras administracións públicas ou doutros entes públicos ou privados, nacionais ou internacionais, supere o custo total da actividade que vai desenvolver a entidade beneficiaria da subvención.

DÉCIMA. FORMA DE XUSTIFICACIÓN E PAGAMENTO

1. Respecto da forma de xustificación e pagamento estarase ao disposto na Lei 17/2021, de 27 de decembro, de orzamentos xerais da Comunidade Autónoma de Galicia para 2022; na Lei 38/2003, do 17 de novembro, xeral de subvencións; no Real decreto 887/2006, do 21 de xullo, polo que se aproba o regulamento da Lei 38/2003, do 17 de novembro, xeral de subvencións; na Lei 9/2007, do 13 de xuño e no Decreto 11/2009, do 8 de xaneiro.



2. O pagamento efectuarase previa presentación da conta xustificativa do gasto que permita acreditar o cumprimento das actuacións subvencionadas a través deste convenio.

3. A xustificación comprenderá os gastos realizados e pagados dende a sinatura do convenio ata o 31 de decembro de 2022 e deberá presentarse na dirección xeral competente en materia de familia, infancia e dinamización demográfica con data límite do 23 de decembro de 2022. Sen prexuízo do exposto, a concesión da subvención comprenderá aqueles gastos xerados no marco do programa dende o 1 de xaneiro de 2022.

4. A Plataforma de Organizacions de Infancia de Galicia, comprométese á presentación dos xustificantes de pago, relativos a custes salariais, que sexa imposible presentar en cada momento das fases de pagamento, no momento xustificación final, así como os documentos xustificativos do gasto da seguridade social para o mes de decembro e o impreso de liquidación nominal do IRPF do cuarto trimestre, unha vez obren no seu poder.

5. En aplicación do artigo 29.2 da Lei 9/2007, do 13 de xuño, e do artigo 42 do Decreto 11/2009, do 8 de xaneiro, considérase gasto realizado o que foi efectivamente pagado con anterioridade á data de finalización do período de xustificación, acreditándose este pagamento mediante extractos ou certificacións bancarias debidamente identificados, selados e asinados pola entidade beneficiaria.

6. A entidade beneficiaria poderá solicitar pagamentos parciais a conta da liquidación definitiva, ata o 80% da contía total concedida a medida en que a Plataforma de Organizacions de Infancia de Galicia xustifique os gastos realizados e o cumprimento da finalidade para a que foi concedida a axuda, así como a aplicación dos fondos destinados para estes efectos. Estes libramentos parciais quedarán exonerados da constitución de garantías previstas no artigo 67 do Decreto 11/2009, do 8 de xaneiro, por estar incluídos no suposto recollido no apartado f) do artigo 65.4.

O libramento farase nunha conta corrente da que sexa titular a entidade beneficiaria, nas seguintes condicións, en aplicación do artigo 62 do Decreto 11/2009, do 8 de xaneiro:

- a) Ata un máximo de 12.000 € (80% da cantidade subvencionada), a medida que se xustifique a realización das actividades descritas neste convenio.
- b) Os 3.000 € restantes (20% da cantidade subvencionada) pagarase unha vez xustificada a realización da totalidade da actividade subvencionada.



7. Sen prexuízo de que o gasto subvencionable no marco deste Convenio de Colaboración abarca unicamente o exercicio 2022 (ata 31 de decembro), a Plataforma de Organizacións de Infancia de Galicia terá como prazo límite o 31 de xaneiro de 2023 para remitir á dirección xeral competente en materia de familia, infancia e dinamización demográfica da Consellería de Política Social e Xuventude unha memoria final de actuación de exercicio 2022, na que se recollerán as experiencias do funcionamento do programa, que incluírá o número de persoas atendidas (persoas menores e familias atendidas desglosadas segundo os criterios establecidos) as actividades realizadas e os medios humanos e materiais empregados.

DÉCIMO PRIMEIRA. DOCUMENTACIÓN PARA XUSTIFICAR AS AXUDAS

1. A actividade e os gastos que poidan ser subvencionables, deben xustificarse de conformidade co previsto no Decreto 11/2009, do 8 de xaneiro. Para os efectos de xustificación, a Plataforma de Organizacións de Infancia de Galicia, remitiralle á dirección xeral competente en materia de familia, infancia e dinamización demográfica da Consellería de Política Social e Xuventude a seguinte documentación, unha vez finalizadas as actuacións a subvencionar a través deste convenio, xunto coa xustificación do emprego da cantidade total das ditas actuacións e en todo caso con data límite do 23 de decembro de 2022:

a) Unha relación clasificada dos gastos da actividade, con identificación da persoa acreedora e do documento xustificativo do gasto, o seu importe, a data de emisión e, se é o caso, a data de pagamento.

b) Facturas ou documentos de valor probatorio equivalente no tráfico xurídico mercantil ou con eficacia administrativa incorporados na relación á que se fai referencia no parágrafo anterior e a documentación acreditativa do seu pagamento.

c) Memoria económica xustificativa do custo das actividades realizadas, que conterá os mesmos elementos descritos no apartado dedicado aos libramentos parciais e ademais estes outros:

- Balance en que se reflecta a totalidade dos ingresos e gastos correspondentes á actividade do programa subvencionado a través do convenio.
- Declaración que conteña unha relación detallada doutros ingresos ou subvencións que financiasen a actividade subvencionada con indicación do importe e a súa procedencia.
- Declaración responsable que acredite a finalización das actividades programadas.



2. Así mesmo, antes de facer efectivo o 20% restante, a entidade deberá presentar ademais dos documentos os que se refire o número 1 desta cláusula, unha memoria de resultados que recolla as actuacións obxecto de subvención realizadas e os resultados obtidos.
3. Todos os documentos anteriores deberán ir acompañados polo xustificante da transferencia ou cargo bancario correspondente que acredite a realización do seu pago.

DÉCIMO SEGUNDA. COMISIÓN MIXTA DE SEGUIMIENTO

Para o seguimento e coordinación das actuacións previstas no presente convenio crearase unha comisión mixta e paritaria na que estarán representadas as partes asinantes. Esta comisión, que se reunirá por petición de calquera das partes, será o mecanismo de actuación conxunta para o seguimento e avaliación das actuacións estipuladas no presente convenio, e estará formada por dous representantes da Consellería de Política Social e Xuventude e dous representantes da Plataforma de Organizacións de Infancia de Galicia designados polas persoas que representen a cada unha das partes, así como os seus suplentes.

A persoa que ocupe a presidencia será unha das persoas representantes da consellería designada pola persoa titular da dirección xeral competente en materia de familia, infancia e dinamización demográfica.

A persoa que ocupe a secretaría, así como a que asuma a súa suplencia, será unha persoa adscrita á dirección xeral competente en materia de familia, infancia e dinamización demográfica, designada pola persoa titular da Presidencia, que actuará con voz pero sen voto.

Como órgano colexiado a comisión someterase ao réxime establecido na Lei 40/2015, do 1 de outubro, do réxime xurídico do sector público, e na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

DÉCIMO TERCEIRA. VIXENCIA

O presente convenio entrará en vigor o día da súa sinatura e terá vixencia ata o 31 de decembro de 2022.

Non obstante os gastos das actuacións do programa subvencionadas a través do presente convenio que realizase a entidade dende o 1 de xaneiro de 2022 tamén



poderán ser subvencionadas ao seu abeiro coa achega da Consellería de Política Social e Xuventude.

DÉCIMO CUARTA . CAUSAS DE RESOLUCIÓN E REINTEGRO

1. Serán causas de resolución do convenio e darán lugar, no seu caso, ao reintegro das cantidades percibidas, incrementadas cos xuros legais establecidos de acordo coa normativa vixente:

- a) O transcurso do prazo de vixencia do convenio sen que se acordara a súa prórroga.
- b) Incumprimento de calquera das cláusulas establecidas no mesmo.
- c) A aplicación dos fondos outorgados no convenio para fins distintos do que motivaron a súa concesión.
- d) A falta de xustificación do emprego das cantidades recibidas, ou a falsidade de datos achegados para esta fin.
- e) Por decisión xudicial que declare a nulidade do convenio.
- f) Por calquera outra causa distinta das anteriores prevista na lexislación vixente.

2. Aos efectos de reintegro das subvencións estarase ao disposto no título II da Lei 9/2007, do 13 de xuño, e no seu regulamento, aprobado polo Decreto 11/2009, do 8 de xaneiro.

DÉCIMO QUINTA. NATUREZA DO CONVENIO

O presente convenio terá carácter administrativo rexéndose nos seus efectos polo establecido nas súas cláusulas, polo disposto na Lei 38/2003, do 17 de novembro, xeral de subvencións, e no Real decreto 887/2006, do 21 de xullo, polo que se aproba o seu Regulamento; na Lei 9/2007, do 13 de xuño, de subvencións de Galicia e no Decreto 11/2009, do 8 de xaneiro. No seu defecto, para resolver as lagoas e dúbidas que puideran presentarse, observaranse os principios da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 214/23/UE e 2014/24/UE, do 26 de febreiro do 2014, así como pola Lei 40/2015, de 1 de outubro, de Réxime Xurídico do Sector Público.



A Administración gozará de todas as prerrogativas inherentes á natureza administrativa do convenio.

DÉCIMO SEXTA. CUESTIÓNS LITIXIOSAS

As cuestións litixiosas xurdidas acerca da interpretación, modificación e resolución serán resoltas pola Consellería de Política Social e Xuventude poñendo os seus acordos fin á vía administrativa. Contra elas cabe recurso potestativo de reposición ante o mesmo órgano que ditou a resolución, segundo o previsto no artigo 124 da Lei 39/2015, do 1 de outubro, do Procedemento Administrativo Común das Administracións Públicas, no prazo dun mes se a resolución fose expresa. Se o acto non fora expreso, poderá interpor recurso de reposición en calquera momento a partir do día seguinte a aquel en que se produza o acto presunto, ou poderá interpoñer directamente recurso contencioso - administrativo, no prazo de dous meses contados desde o día seguinte á notificación do acto que poña fin á vía administrativa, se este fose expreso. Se non o fose, o prazo será de seis meses e contarase, para o solicitante e outros posibles interesados, a partir do día seguinte a aquel en que, de acordo coa súa normativa específica, se produza o acto presunto, de conformidade co disposto na Lei 29/1998, do 13 de xullo, reguladora da xurisdición contencioso - administrativa.

Para tales efectos o tribunal competente será o Tribunal Superior de Xustiza de Galicia.

DÉCIMO SÉTIMA. MODIFICACIÓNS

Toda alteración das condicións tidas en conta para a concesión da subvención, e en todo caso a obtención concorrente doutras achegas fóra dos casos permitidos nas normas reguladoras, poderá dar lugar á modificación da resolución de concesión, nos termos establecidos na normativa reguladora da subvención.

DÉCIMO OITAVA. INFORMACIÓN BÁSICA SOBRE PROTECCIÓN DE DATOS PERSOAIS

As partes asinantes virán obrigadas en materia de protección de datos a cumprir co Regulamento (UE) 2016/679 do Parlamento Europeo e do Consello de 27 de abril de 2016, relativo á protección das persoas físicas no que respecta ao tratamento de datos persoais e a libre circulación destes datos e polo que se derroga a Directiva 95/46/CE (Regulamento xeral de protección de datos), a Lei Orgánica 3/2018, do 5 de decembro, de Protección de Datos Persoais e garantía dos dereitos dixitais, e demais disposicións vixentes sobre a materia, adoptando as medidas que resulten necesarias para cumprir as súas previsións e, en particular, para garantir a seguridade e integridade dos datos e a súa protección fronte a alteracións, perdas, tratamentos ou accesos non autorizados.



Os datos persoais recadados no procedemento de concesión da subvención serán tratados na súa condición de responsable pola Xunta de Galicia -Consellería de Política Social e Xuventude- coas finalidades de levar a cabo a tramitación administrativa que se derive da súa xestión.

O tratamento dos datos baséase no cumprimento dunha misión de interese público ou no exercicio de poderes públicos, conforme ás referencias recollidas en <https://www.xunta.gal/informacion-xeral-proteccion-datos>. Con todo, determinados tratamentos poderán fundamentarse no consentimento das persoas interesadas, reflectíndose esta circunstancia no seu caso.

No marco da concesión da subvención os datos serán comunicados ás Administracións públicas no exercicio das súas competencias, cando sexa necesario para a execución do dito convenio ou para que os cidadáns poidan acceder de forma integral á información relativa a unha materia. Especificamente os datos serán comunicados ao órgano responsable da Base de Datos Nacional de Subvencións, a Intervención Xeral da Administración do Estado, coa finalidade da promoción de transparencia, a planificación das políticas públicas, a xestión e colaboración na loita contra o fraude de subvencións e axudas públicas.

A referencia a publicidade, en cumprimento da normativa de transparencia e de subvencións, axustarase a dita normativa e coas limitacións que esta establece.

As persoas interesadas poderán acceder, rectificar e suprimir os seus datos, así como exercitar outros dereitos ou retirar o seu consentimento, a través da sede electrónica da Xunta de Galicia ou presencialmente nos lugares e rexistros establecidos na normativa reguladora do procedemento administrativo común, segundo se explícita na información adicional recollida en <https://www.xunta.gal/informacion-xeral-proteccion-datos>.

A Plataforma de Organizacións de Infancia de Galicia tratará os datos coas finalidades e os usos exclusivamente precisos para a execución do programa subvencionado a través deste convenio, polo que non poderán ser usados para un fin distinto. A Plataforma de Organizacións de Infancia de Galicia será cesionaria da información que lle subministre a Consellería e será responsable do tratamento da información. Os datos persoais aos que teña acceso non serán comunicados a terceiros, nin sequera para a súa conservación."

A entidade esixiralle, tanto ao persoal propio como a aquel persoal voluntario que participe no programa, un compromiso de confidencialidade sobre aqueles datos aos



que teñan acceso pola súa participación no programa.

DÉCIMO NOVENA. COMUNICACIÓN, DIVULGACIÓN E PUBLICIDADE

Este convenio será obxecto de publicidade e inscrición de conformidade co disposto no artigo 15 da Lei 1/2016, do 18 de xaneiro, de transparencia e bo goberno e no Decreto 126/2006, do 20 de xullo, polo que se regula o rexistro de convenios da Xunta de Galicia.

Así mesmo, a concesión da subvención será obxecto de publicación e inscrición en cumprimento do disposto no artigo 17 da lei 1/2016, do 18 de xaneiro, o artigo 15 da Lei 9/2007, do 13 de xuño, e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

As partes asinantes autorizan a publicidade dos seus datos persoais e demais especificacións recollidas no presente convenio de colaboración no Portal da Transparencia e Goberno Aberto.

De conformidade coa Lei 38/2003, do 17 de novembro, o convenio de colaboración e a información sobre a subvención serán comunicados á Base de Datos Nacional de Subvencións.

Como entidade beneficiaria de subvención pública ao abeiro deste convenio, a Plataforma de Organizacións da Infancia de Galicia obrígase a subministrar á Administración, previo requirimento, toda a información necesaria para que esta última poida cumprir coas obrigas previstas no Título I da Lei 1/2016, do 18 de xaneiro, coas consecuencias, no caso de incumprimento, indicadas no artigo 4 da dita lei.

E, en proba de conformidade cos termos do convenio, as partes comparecentes o asinan no lugar e data da súa sinatura dixital

A conselleira de Política Social e O presidente da Plataforma de
Xuventude Organizacións de Infancia de Galicia
(POIG)

Fabiola García Martínez

Xesús María Vilas Otero

(asinado dixitalmente)

(asinado dixitalmente)



ANEXO I

DISTRIBUCIÓN DO GASTO PARA A EXECUCIÓN DO CONVENIO 2022	
(1 xaneiro - 31 decembro 2022)	
CONCEPTO	GASTOS
PERSOAL	
Persoal Secretaría Técnica	12.700,00 €
Subtotal	12.700,00 €
MATERIAL ACTIVIDADES	
Comunicación e incidencia	360,00 €
Material acto central e actos descentralizados celebración do 20N	200,00 €
Deseño e mantemento das webs e hosting	130,00 €
Subtotal	690,00 €
CUSTOS E GASTOS VIAXES	
Viaxes	200,00 €
Subtotal	200,00 €
GASTOS DE ADMINISTRACIÓN	
Aluguer Sede	900,00 €
Asesoría laboral contable	250,00 €
Fotocopias e material de oficina	150,00 €
Teléfono	110,00 €
Subtotal	1.410,00 €
TOTAL GASTOS	15.000,00 €



ANEXO II

PROGRAMA DE ACTIVIDADES 2022

1. Fortalecemento da coordinación, vertebración e traballo en rede das entidades do terceiro sector no eido da infancia e adolescencia en Galicia, mediante:

- O mantemento e consolidación dos grupos de traballo, favorecendo a participación das entidades membro nos ámbitos de incidencia política, sistema de protección, participación infantil e comunicación.

2. Coordinación e apoio ás accións da Plataforma de Infancia estatal, mediante:

- A Comunicación das accións estatais en materia de infancia e adolescencia ás entidades membro facilitando a súa participación.
- A participación nos Grupos de Traballo da Plataforma de Infancia estatal en materia de incidencia política, sistema de protección, participación infantil e comunicación.
- O establecemento de accións conxuntas co resto de plataformas de infancia autonómicas mediante a Mesa Territorial da Plataforma de Infancia estatal.

3. Visibilización á situación da infancia e adolescencia en Galicia, mediante:

- A difusión de estudos e novas sobre a situación da infancia e adolescencia galega, así como a recompilación de datos sobre a implementación dos dereitos da infancia en Galicia.
- A realización dunha campaña de difusión do Informe sobre "Os dereitos da infancia en Galicia" a os actores involucrados mediante reunións, envío de información, páxina web e RRSS.

4. Facilitar a capacidade de intelección das entidades membro ante as administracións públicas galegas e a sociedade galega en xeral, e contribuír ao deseño de políticas adicadas ao benestar da infancia, mediante:

- A realización de accións que contribúan a un maior coñecemento da "Lei Orgánica de Protección Integral á Infancia e á adolescencia fronte á violencia" (LOPVI) en Galicia.
- A colaboración entre a Plataforma de Organizacións de Infancia de Galicia e a Valedora do Pobo para incidir na mellora dos dereitos da infancia e adolescencia galega.



- A recompilación e traslado á Consellería de Política Social e Xuventude das necesidades que a Plataforma detecta no sistema de protección á infancia.
- A promoción da revisión e actualización de protocolos e circulares sobre temáticas do sistema de protección á infancia.

5. Favorecer procesos de participación infantil e adolescente como instrumento para fomentar o respecto aos seus dereitos, mediante:

- O asesoramento ás entidades na creación e participación de programas de participación infantil.
- A implementación do programa “Redeiros: os dereitos da infancia na rede”, como mecanismo de difusión dos dereitos da infancia e altavoz do Grupo de Participación Infantil e Adolescente da Plataforma de Organizacións de Infancia de Galicia.
- A implementación do programa “Dereitos da Infancia: aprenden e participan nos seus dereitos” como proceso participativo destinado a centros educativos, concellos, bibliotecas e entidades de infancia de Galicia, no que se desenvolven actividades de participación infantil e facilitan a visibilización das demandas dos nenos, nenas e adolescentes.
- O fortalecemento do Grupo de Participación Infantil e Adolescente da Plataforma de Organizacións de Infancia de Galicia, mediante o desenvolvemento de reunións presenciais e online nas cales se reflectan as súas demandas, con especial atención ás dos colectivos máis vulnerables.
- O desenvolvemento de actuacións encamiñadas a impulsar as medidas necesarias para favorecer a participación infantil.
- A realización dun acto central conmemorativo do Día Internacional da Infancia (20 N) e de varios actos conmemorativos descentralizados en distintas provincias.
- O impulso na formación a técnicos/as sobre Participación Infantil e Adolescente mediante unha formación.

6. Establecer unha estratexia de comunicación interna e externa en defensa dos dereitos dos nenos, nenas e adolescentes de Galicia que mellore a difusión de materiais, argumentario e accións da plataforma e das súas entidades, mediante:

- A actualización da web da Plataforma de Organizacións de Infancia de Galicia e dos diferentes perfís en redes sociais (Facebook, Twitter, Youtube e LinkedIn) centrados na difusión dos dereitos da infancia e adolescencia de Galicia.



- A actualización da biblioteca online na páxina web sobre temática relacionada coa infancia e adolescencia.
- A realización dunha campaña de difusión sobre a Plataforma co obxecto de dar a coñecer as súas actividades e fomentar a súa implantación territorial na comunidade galega.
- A participación activa na campaña da X Solidaria de Galicia.
- A creación dun boletín bimensual destinado ás entidades que traballan a prol da infancia e outros actores interesados sobre novas de infancia.

